

Savia verò à Pannoniis avulsa, & specialis provincia constituta, Dravo, & montibus Dalmatiæ clausa est.

Dalmatiæ denique fines sunt, à Septentrionali plaga montes ejusdem cum ea nominis & Savia, ab Occasu Istria & Arfia fluvius, ab Ortu Prævalis, & à Meridie Drilo fluvius, mareque Adriaticum. Hæque sunt Illyrici Occidentalis provinciæ sex, quæ nunc nomen mutarunt; dicunturque Bavaria, Austria, Hungaria, Styria, Boffina, Carinthia, Albania, & Sclavonia.

X.

MAGISTRATUS
ILLYRICI OC-
CIDENTALIS.
a l. 6. Cod.
Theod. de Ve-
teranis.
b Ammian. lib.
26.

c Herodian. in
Maximino.
d Zosim. lib. 2.
e Cassiod. lib. 3.
f Ammian. lib.
21.

g Paulus Diac.
l. 14. Hist.

h Ambr. lib. 2.
de officiis.

V.

ILLYRICUM AB
INITIO NON
PARUIT ME-
DIOLANENSI
ARCHI-EPI-
SCOPO, SED
PROPRIUM
HABUIT SIR-
MIENSEM.
i Paulinus in vi-
ta S. Ambrosii.

Quod ad Magistratus earum spectat, sola Pannonia secunda Consulare habuit. Unde cum Elpidius Pannoniæ Consularis dicitur à Constantino ^a in Codice Theodosiano, de secunda intelligendum est. Savia Correctori paruit, cæteræ Præsidibus: omnes autem subiciebantur Vicario Præfecti Prætorio Italiæ per Illyricum, cujus sedes erat Sirmii, in regio palatio, quod parti ti sunt Valentinianus & Valens, & de quo plerisque in locis Ammianus ^b. Fuit autem Sirmium inter civitates istius regionis omnium primaria, inquit Herodianus ^c. Hanc, teste Zosimo ^d, ex utraque parte flumen alluit, in Istrum semet exonerans: ejusque nominis fuit, ut ab ea, Pannonia infe- rior Sirmiensis dicta sit apud Cassiodorum ^e. Ideo de hac loquens Ammianus ^f, postquam Iuliano data est, scribit; quod ad exemplar urbium matris & po- pulosæ & celebris, per alias quoque civitates ut sydus salutare fusciperetur. Apud eam, inquam, sedes erat Vicarii Illyrici Occidentalis; nec est quod alii Vicarium illum haud fuisse apud Illyricum ex hoc contendat, quod nec ejus nomen, nec officium reperiantur in Notitia Imperii Romani, cum nec apud eandem legatur Vicarius Italiæ per septem provincias, quem tamen extitisse nemo dubitat. Rationem illius omissionis si quæras, hæc esse potest, quod Illyricum, tempore quo Notitia facta est, ab Hunnis occuparetur: ideoque illuc Vicarii mitti desiere. Quod autem ab Hunnis occuparetur, vi- dere est apud Paulum Diaconum ^g, qui hæc habet: *Per hæc tempora* (scilicet Theodosii junioris) *Attila Rex Hunnorum Thracias & Illyricum sæva depopulatione vastabat, omnia castella & civitates in servitutem redigens, præter Adrianopolim & Heracliam, quæ quondam Perinthus vocabatur.* Sed & Divus Ambrosius ^h de hac Illyrici depopulatione loquens, eam Illyrici vastitatem vocat. Sanè cum unaquæque diocesis proprium Vicarium haberet, à quo regebatur, ut de Gallia, Hispania, Britannia, Africa, cæterisque ad Romanum Imperium spectantibus dicemus, quin pariter idem censendum sit de Illyrico mihi in mentem venire non potest, ut nec doctissimo Pancirolio supradictam Noti- tiam explicanti. Sed hæc satis de hujus Civili administratione.

Quod ad Ecclesiasticam spectat: quamvis sex provinciæ civiles apud illud numerarentur, ut dictum est, nullam tamen ab initio Ecclesiasticam in eo fuisse quidam existimarunt, omne Illyricum Mediolanensi Archi-Episcopo subjicientes. Probare nituntur ex Paulino in vita Sancti Ambrosii, quem ait Concilio Sirmienti præfuisse, quo Anemius Episcopus Sirmiensis factus est. Hujus ⁱ verba sunt: *Cum Ambrosius Sirmium ad creandum Episcopum Anemium per- rexisset, ibique Justina tunc temporis reginæ potentia, & multitudine coadunata, de Ecclesia pelleretur, ut non ab ipso, sed ab hæreticis Arianis Episcopus ordinaretur, essetque constitutus in tribunali, nihil curans eorum quæ à muliere excitaban- tur, &c.* Quo enim, inquiunt, alio nomine huic præesse potuisset, quam Metropolitæ? nec sanè aliter Justina huic pertinaciter infensa, hunc electio- ni præesse tulisset. Sed pace eorum dixerim, mihi rationem istam levem ni- mis videri, ut hac ad denegandum Illyrico proprium Metropolitam, illud- que Mediolanensi Episcopo subjiciendum movear: maximè cum inter Epi- scopos, qui subscripserunt Epistolæ Synodicæ Eusebii Mediolanensis ad Leo- nem Magnum Pontificem, nullus ex Illyrico sit. Quî enim fieri potuisset, si Metropoli Mediolanensi suberant, ut nemo horum ad Concilium vocaretur, quo de re magni momenti agendum erat? Adfuit electioni Anemii San- ctus